




孔少府詩抄

終詩

言多令事敗 器漏苦不密 河濱蟻孔端 山壤
 由猿穴 涓々江漢流 天窗通冥室 讒邪害公
 正 浮雲翳白日 靡辭無忠誠 華繁竟不實
 人有兩三心 安能合為一 三人成市虎 浸漬
 解膠漆 生存多所慮 長寢萬事畢 全句

孔少府詩抄終目



諸葛丞相詩

梁甫吟

步出齊城門 遙望蕩陰里 里中有三墳 纍纍
正相似 問是誰家墓 田疆古冶子 力能排南
山 文能絕地紀 一朝被讒言 二桃殺三士
誰能為此誅 國相齊晏子 全句

魏武帝

短歌行

對酒當歌 人生幾何 譬如朝露 去日苦多 慨當以慷
憂思難忘 何以解憂 唯有杜康 青青子衿 悠悠我心
但為君故 沉吟至今 呦呦鹿鳴 食野之苹 我有嘉賓
鼓瑟吹笙 明明如月 何時可掇 憂從中來 不可斷絕
越陌度阡 枉用相存 契濶談讌 心念舊恩 月明星稀
烏鵲南飛 繞樹三匝 何枝可依山 不厭高水 不厭深
周公吐哺 天下歸心

碣石篇 其四

神龜雖壽猶有竟時騰蛇乘霧終為土灰先驥伏櫪
志在千里烈士暮年壯心不已盈縮之期不但在天
養恬之福可得永年幸甚至哉歌以詠志

庾開府詩句抄

濕花隨水泛

空巢逐樹流

泛江

桂亭花未落

桐門葉半疎

荷風驚浴鳥

橋影

聚行魚

日落含山氣

雲歸帶雨餘

山池

風逆花迎面

山深雲濡衣

春日游山

澗底百重花

山根一片雨

游山

澗寒泉反縮

山晴雲倒回

熊餒自舐掌

鴈驚

獨銜枚

遊田

黎陽水稍深

官渡柳應春

奉報寄洛州

濕

秋水牽沙落 寒藤抱樹疎 奉報窮秋寄隱士

銅梁影棠樹 石鏡照寒帷 上益州上柱國趙王

寒沙兩岸白 獵火一山紅 二首其一 同前其二

槐庭垂綠穗 蓮浦落紅衣 入彭城館

駭猿時落木 驚鴻屢斷行 樹寒條更直 山枯

菊轉芳 從駕觀講武

雨歇殘虹斷 雲歸一雁征 暗嶽朝石濕 空山

夜火明 低橋澗底渡 狹路花中行 ○軍中女

子氣 塞外夫人城 奉報趙王出師在道賜詩

塞迥翻榆葉 關寒落雁毛 侍從徐國公殿下軍

雪平尋兔跡 林藜聽雉聲 伏聞遊獵

山精逢照鏡 樵客值圍棋 奉和趙王遊仙

澗險無平石 山深足細泉 短松猶百尺 少鶴

已千年 野鳥繁絃囀 山花燭火然 洞風吹戶

裏 石乳滴窗前 奉和趙王隱士

眼前一杯酒 誰論身後名 擬詠懷二十首中

樂天乃知命 何嘗能不憂 十一首中末句 同前十六首中末句

橫石三五片 長松一兩株 同前十六首中初句

漢陽錢遂盡 長安米空索 和張侍中述懷

春窓刻鳳下 寒壁畫花開 奉和示內人

世送張翰曰、
使我有身後名、
不如即時一杯
酒

玉階風轉急 長城雪應閣

夜聽搗衣

白沙如濕粉 蓮花類洗杯

驚鳥灑翼度 濕鴈

斷行來

奉和趙王喜雨

陣雲全不動 寒山無物香

奉和夏日應令

麥隨風裏熟 梅逐雨中黃

和樂儀同苦熱

鞭石未成雨 鳴鳶不起風

美酒含蘭氣 甘瓜開蜜筒

還得隱牆東

寂寥人事屏

霜天林木燥

秋氣風雲高

和裴儀同秋日

枝繁類金谷

花雜映河陽

自紅無假染 真白

不須粧

詠園花

值泉傾蓋飲

逢花駐馬看

平湖泛玉舳 高堰

歇金鞍

半道聞荷氣

中流覺水寒

密菱障浴鳥

高荷沒釣船

以上二件和吳法師游昆明池二首

池水朝含墨

流螢夜聚書

野鶴能自獵

江鷗解獨漁

阮籍長思酒 嵇

康懶著書

披林求木實

拂雪就園蔬

野情風月曠 山

心人事疏

以上三件奉和永豐殿下言志十首之內

值花熱無氣

逢風水不平

慨然成詠

月光如粉白 秋露似珠圓 絡緯無機織 流螢

帶火寒 奉和賜曹美人

舟子夜離家 開船望月華 山明疑有雪 岸白

不關沙 舟中望月

驚雲猶暗嶺 積而未開庭 對雨

雨住便生熱 雲晴即作峯 水白澄還淺 花紅

燥更濃 喜晴

絲條變柳色 香氣動蘭心 詠春近餘雪應詔

日氣斜還冷 雲峯晚更霾 晚秋

路高山裏樹 雲低馬上人 懸巖泉溜響 深谷

鳥聲春

水光連岸動 花風合樹吹

水流平澗下 山花滿谷開 行雲數番過 白鶴

一雙來 以上三件詠畫屏風二十五首中

望水初橫陣 移營寇未降 風塵馬足起 先暗

廣陵江 送衛王南征全句

石影橫臨水 山雲半繞峯 遙想山中店 懸知

春酒濃 山齋全句

直泉仍飲馬 逢花即舉杯 稍看城闕遠 轉見

風雲來 野步全句

蒼茫望落景 羈旅對窮秋 賴育南園菊 殘花

足解愁 秋日全句

明鏡如明月 恒常置匣中 何須照西髮 終是

一秋蓬 塵鏡全句